

Mje wabja wjesne rjanosće  
 Do bydla ćichowneho  
     Za žitne murje žołmjate,  
     Za khlódne scěny lisćowe.

Spušć, kohož dusyć njedyrbja  
 Tam murje wobkurjene,  
 Wón wustup z ćesnoh' mrowišća  
 Na mroki wopłodžene;  
     Pój na hory a kopowcy  
     Přez doliny a žlobiny.

Bóh sam jow zemju wobleka  
 A wěrnje wupyšuje,  
 Tu slónčko — zlótnik — z wječora  
 Wšo darmo pozłócuje;  
     A hat a rěka — rězbarjej —  
     So z wobrazami hordžitej.

To wěće, lubi měšćenjo,  
 Tu róže njejsu lhane!  
 Tu hona noša wobličo,  
 Kiž njeje molowane;  
     Jow žana kwětka, trawička  
     Ze swojim blyšćom njeluda.

Jow hercy tunjo džělaju  
 Najrjeńše hudźby w haju,  
 Pod woknami a na polu  
 Ći wšelko zapiskaju;  
     Haj, daloko a šěroko  
     Tu zynči cyłe podnjebjo.